





„Свой до свого!“

„АКОРДЪ“

ПЕРША РУСЬКА ФАБРИКА
ЗВОНОВЪ ВЪ УЖГОРОДЪ

Найлѣпшѣ звоны править перша
руська ліярня звоновъ „АКОРДЪ“
Капиталъ создали сами наши люде.
Она заряджена по найновѣйшой
техницѣ. и ведена перворядными
фаховцями. Мѣстности фабрики на-
ходяться около желѣзнодорожної
станціи въ Ужгородѣ. Тамъ посто-
янно выставлениѣ образцовъ звоны.
! Найлѣпшій благородный металъ.!

Спеціальна марка „Акордъ“ „А“ и „С“ звоны. 10-рочна га . .

Замовленя просимо адрессовати:

„АКОРДЪ“, ліярня звоновъ въ Ужгородѣ.

Канцелларія: Ужгородъ, Капитульна улиця ч. 11.

Замовленя можъ передати и въ Подкарпатскомъ Банку.

РУСИНЫ!

Не идѣть до чу-
жихъ, а подпирайт-
е свої руськї ин-
ституції

СЛАВЯНЕ!

Першимъ руськимъ ассекураційнымъ товариствомъ есть

„БЕСКИДЪ“

акційное ассекураційное товариство — Ужгородъ.

Принимає ассекурацію хижъ и всѣхъ движимостей
и недвижимостей противъ огня, противъ вломовъ,
принимає ассекурацію на житѣ, пензій и пр.

на дуже выгодныхъ уловіяхъ.

Ассекуруйте только у „БЕСКИДЪ“!

Свой до свого!

Глядаеме добрыхъ агентовъ.

Число 12. Ужгородъ 1. децембра 1926. Рочникъ VI.

БЛАГОВѢСНИКъ

ДУХОВНА ГАЗЕТА ДЛЯ ПОДКАРПАТСКИХЪ РУСИНОВЪ

ПРЕДПЛАТА:

на рокъ 10.— Кч.
за границю . . . 20.— Кч.
до Америки . . . 1.— д.
Одно число 1 Кч.

Выходить разъ на мѣсяцъ

Адреса:

Редакція: Kapitulska ulica Ѽ. 10.
Администрaція: Монастыръ ОО.
Василіапъ, Ужгородъ, Раковци 52.

ОБЯВЛЕНИЯ:

принимаются по цѣнѣ:
за одну стор. . . . 200 Кч.
за половину стор. . 120 Кч.
за четверть стор. . . . 65 Кч.

До чого се приведе?

Уже восьмий рокъ, что держить наша религійна борьба. Подъ сими восьми роками каждый безсторонний христіянинъ могъ собѣ вытворити объективное мнѣніе о способѣ войованя обохъ сторонъ.

Борьбу почали схизматики. И то разбойомъ, нападаючи на житє и маєтокъ гр. каєоликовъ. Якъ почали, такъ и продовжали. Кровь, слезы, огнь, руйнованя, насильствie и прочъ беззаконія характеризують борьбу схизматиковъ. Не просвѣщенiemъ, не проповѣдями, але брехнями, обманствомъ и грубыми клеветами воюють они противъ насъ. Не доказы богословскѣ, але темна ненависть и лютость даютъ имъ оружія въ руки противъ насъ. Якъ бы обсадженѣ были дiяволомъ зъ такою яростю идуть они въ бой противъ насъ; изъ ихъ очей блищае не святое одушевленя про дѣло „православія“, але дикій фанатизмъ противъ „уніятовъ“.

И что сему причина? Одна причина лежить въ самой природѣ людской. Въ чоловѣцѣ е наклонность до доброго и до злого. Праведный христіянинъ притупляе, задавляе ту злу наклонность и постоянно укрѣпляе добру. Кто уже цѣлкомъ задусивъ въ собѣ злу наклонность, того называеме совершеннымъ чоловѣкомъ. Але у кого постоянно подпалюють ту злу наклонность (гнѣвъ, ненависть и пр.), изъ того у короткій часъ станеся не христіянъ, але дикій звѣрь.

На жаль въ нашей религійной борьбѣ схизматики не разъ до крайности суть наповненъ гнѣвомъ и ненавистю противъ гр. каѳоликовъ. Уже не здоровий розумъ розсуджуе въ нихъ, але слѣпа ненависть и горючій гнѣвъ. Заслѣпленъ гнѣвомъ и яростю якъ дикѣ звѣрѣ нападають на гр. каѳоликовъ и нищать ихъ житіе, здоровля и маєтокъ. Проповѣди батюшокъ наповненъ ненавистю противъ насъ, не е тамъ цятки любви, навѣть осторожности. Называютъ насъ чортами, діяволами, проклятыми и цѣлу струю лайокъ сыплять противъ апостольского престола, на наслѣдника блаженного Петра апостола. Гдекотрѣ темнѣ батюшки не то, чтобы утихомирили дикость схизматиковъ, але еще возростаютъ, подпалюють. До такихъ проповѣдей не треба ни богословскаго знання, ни внутрѣшної побожности. До такихъ проповѣдей доста мати широкій ротъ и ненавистное сердце.

И зато дуже тяжкое наше положеніе. Бо не воюеме противъ доказовъ и противъ спокойныхъ людей, але противъ розагитованихъ темными батюшками и роздраженыхъ противъ насъ до крайности. Противъ такихъ ничъ не поможеме доказъ изъ св. Писанія, або изъ св. Преданія. Сякимъ не можъ промовити до розума, бо у нихъ не розумъ, але дикий фанатизмъ пануе.

До чого се приведе? У схизматиковъ певно до цѣлковитого розпаду. Что е будовано на гнѣвѣ, ненависти и насильствію, то довго не може стояти. Богъ до такого дѣла не дає своє помочи! Уже почався у нихъ сей розпадъ. Многѣ вытверезилися изъ сего способу войованя и душою одвернулися одъ сего насильственнаго православія. Але на жаль изъ большої части перейшли або на якусь протестанску ересь (суботництво, баптизмъ), або стали безвѣрными. Сѣ уже „православнѣ“ николи не будуть. Сихъ уже батюшки зъ своimi проповѣдями на вѣки одпустили одъ того, чтобы свое спасеніе глядали въ „святомъ православію“.

Жаль се намъ, але что робити? Шкодуеме ихъ, бо дорога намъ кожда безсмертна душа. Но такій способъ войованя не може мати іншого выслѣду. Батюшки, батюшки, вас не грызе совѣсть, что только много безсмертныхъ душъ одорвалисте одъ Христовоѣ Церкви и верглисте въ душевну пропасть? Тяжка буде ваша одповѣдь передъ вѣчнымъ Богомъ!



Стойте во вѣрѣ!

II. Св. Тайны.

3. Св. Причастіє.

Вопросъ: „Чому у греко-Римской Церкви не можъ малыхъ дѣтей причащати, а у схизматиковъ можъ?“ (подъ ч. 16).

Отвѣтъ: Не смѣеме забывать про се, что въ НН. Тайнѣ Евхаристії е по правдѣ цѣлый, живый Господь и Богъ нашъ Іисусъ Христосъ. Се правда наша св. вѣры. Кто иншакъ важиться учити и говорити, е безвѣрнимъ поганцемъ, еретикомъ. Господу Іисусу довжнѣ мы всегда и всяди дати почестъ и поклонъ належный якъ самому Богу. Сесь поклонъ отдає св. Церковь въ нашомъ обрядѣ черезъ метанію, се е глубокій поклонъ ажъ до землѣ. Всѣ мы тоже дуже мусиме мѣрковати, чтобы Господу Іисусу, притомному въ Пресв. Евхаристії не заподѣяти зневаги, не збещестити Его. Самоѣ опасностій зневаги Пресв. Евхаристії треба вароватися. Извъ волѣ самого Господа Іисуа и по розказу св. Церкви довжнѣ мы подкрѣпляти свої безсмертнѣ душѣ до-

стойнимъ св. Причастiemъ. Но при семъ св. Церковь дуже гадкуе, чтобы Іисусови Христови отдавати достойну почесть и не выставити св. Причастія на зневагу. Для того св. Церковь не позволяет подавати малымъ дѣтямъ св. Причастіе, ибо дуже легко може оно быти зневаженymъ (немовля легко и часто выплювует сік). Сей розказъ св. Матери Церкви и розумный, якъ видите — и святый и всѣ върнѣ єъ сыны повиннѣ его придержоватися. Чому нынѣшнѣ схизматики его уперто не хотять придержоватися, се ихъ дѣло. Згасла въ нихъ любовь до св. Матери Церкви, притемнѣла у нихъ и вѣра въ Пресв. Евхаристію и остигла любовь до Іисуса, тай высохло жерело нѣжного почитанія Пресв. Тайни. Тому и не гадкуютъ, чтобы не выставляти Господа Іисуса на зневагу. У нихъ Господь Іиусъ въ НН. Евхаристіѣ забытый, опущеный, зневаженый, поруганый, а черезъ се дичіють ихъ сердїя а буряномъ грѣха зарастає схизматицка нивка. Боже заваруй насъ одъ сякоѣ погани!

[Богомолець].



Богъ довготерпеливый.

Суть злочини и несправедливости, якъ до неба кличуть за помсту.

Въ лѣсѣ стоявъ крестъ. Безбожнѣ руки одної ночи розбили и покрышили. Николи никому не шкодивъ, але сотнѣ клячали передъ нимъ и поблагословивъ ихъ. А образъ Сына Божого теперь на земли лежить, потоптаный въ болотѣ. Чому дозволивъ Богъ сію соблазнъ? Чому не блиснувъ громомъ изъ неба и розбивъ ту безбожну руку, которая смѣла поднятися противъ розпятія Божого Сына? Чому мовчавъ Богъ?

Въ другомъ селѣ еретики-схизматики вломилися въ церковь. Нашихъ върниковъ выгнали изъ Божого дому и безчестили ихъ, робили имъ всякѣ пакости, подпалили и нищили ихъ. Еретики смѣются, а нашѣ богообойнѣ върники терплять, якъ колись тѣ мученики въ першихъ столѣтіяхъ и всю свою надѣю-

1926. рокъ.

„БЛАГОВѢСТИКЪ“

Сторона 181.

полагаютъ на Бога. Чому Богъ не ударить на сихъ схизматиковъ сильною рукою, чому не творить чудо, чтобы тѣ еретики упали на колѣна и признали, что Богъ стоять на сторонѣ Церкви Христової? Чому мовчить Богъ?

Колись Божій Сынъ тамъ стоявъ передъ своими ворогами. Обвиняли его всякими брехнями, обклеветали его всякими грѣхами. А онъ на всѣ брехнѣ и клеветы — мовчавъ. Вымѣяли его, безчестили его, плонули въ лицѣ его. — а онъ мовчавъ. Иродъ обходився зъ нимъ якъ зъ дурнымъ, Пилатъ осудивъ на смерть, а онъ — мовчавъ. Висѣвъ на крестѣ и его умучена людска натура не могла выдержати и такъ кликала о помочѣ: „Боже мой, Боже мой, прочто ты оставилъ мене?“ А Богъ ничего не отвѣтивъ, на жалостнѣ слова своего Единородного Сына и не спѣшивъ вытягнути гвозды изъ прибитыхъ ногъ и рукъ Спасителя. И Божій Сынъ умеръ середъ лайокъ и посмѣху своихъ низкихъ вороговъ...

За тристо роковъ мучили христіянъ римскѣ императоры и струями лялася кровь невинныхъ людей. Акты мучениковъ на каждой сторонѣ указають чудеса, котрими Богъ укр плязъ ихъ вѣру. Если бы бывъ хотѣвъ, могъ бы бѣвъ помагати имъ. Але нѣтъ. Церковь мусѣла выдержати тристоїгное переслѣдованіе. Богъ не ударивъ на безбожныхъ императоровъ, Церковь терпѣла — а Богъ мовчавъ.

И такъ мовчавъ и на дале, въ протягу довгихъ столѣтій. Подчасъ французскоѣ революціѣ одень маляръ им. Давидъ выйшовъ на казательницю церкви Notre Dame, выстрѣливъ изъ револвера и казавъ:

— Ты Боже! Если истнуешь, загреми и ты такъ, якъ я зъ моимъ револверомъ. Але Богъ не загремѣвъ. Богъ не отвѣчавъ на выстрѣль безбожника — Богъ мовчавъ.

Чому е такъ? Чому не переломить Богъ тишину? Чому мовчить?

Богъ мовчить, бо онъ є довготерпеливый. Бѣ хоче, чтобы кождый, кто Ему противостоить, самъ пер конався, что даремно противъ Бога войовати. Богъ хоче, чтобы кождый изъ своеї властної волї навернувся а не подъ угрозою Бога. Богъ честує нашу свободну волю! Богъ хоче, чтобы человѣкъ зъ сокрушенныемъ сердцемъ припавъ до его колѣнъ а не подъ приказомъ и подъ страхомъ чуда.

Богъ мовчить, бо онъ мае часу говорити. „Передъ Богомъ тысяча лѣтъ якъ одень день“. А человѣкъ говорить, бо лишь короткій часъ мае.

Богъ мовчить, бо знає, что прїде часъ, коли человѣкъ не буде могти говорити. Богъ має свого посла, кто мѣсто него говоритъ. И сей по-оль прїде колись до кождого человѣка, хоть якій криклиwyй и зарозумѣлwyй бывъ и положить руку

на плечъ его и каже: „Пой зъ мною на Божій судъ. И той повинуєся и иде. Имя сего посла — смерть. И тогда замовкне чоловѣкъ на вѣки и почне Богъ говорити:

— Душа людска, теперь ты мовчи, бо я говорю. Ты доста жила, и моглась працювати надъ своимъ спасенiemъ. И доста говорила дурницѣ. А теперь я говорю, твой Богъ и твой Господь.

И душа замовкне и Богъ почне говорити...

И что Богъ каже ей, одъ тыхъ словъ не е апеллаціѣ, нигда и нигде.

Христосъ самъ обявляє намъ сю правду въ причтѣ о немилосердномъ богачѣ и о бѣдномъ Лазарѣ. Доста а довго говоривъ богачъ и доста довго терпѣвъ убогій Лазарѣ и досга довго мовчавъ Богъ. Але пришла година, коли промовивъ Богъ. И богачъ не подяковавъ, что одъ Бога небесногочувъ и на вѣчнѣ вѣкѣ не забывъ...

Отець суботаря.

Выїшли 'съме изъ Вечернѣ, та поставались у воротахъ церкви, мало поговорити. Чось приисло меже нась и одного суботаря. Разъ чую, что зачавъ приказовати Б. Иванови и другимъ о адѣ. Толкує, якъ то зовеся по грецки, якъ по жидовски. А до того такъ мечеся стишками изъ св. Писанія, якъ стручомъ на чистѣлю.

— Та если уже такъ'съте мудрѣ — кажу я ему, — та докажѣть менѣ что вы маєте правду и я завтра стану суботаремъ. Бо виджу, что указуете, якъ бысьте знали. Хотяй адъ по жидовски не гадесь, но шеоль....

Ага...! Такъ... такъ шеоль! Лишь замиливъ 'емся — одновѣдае суботарь и до того правѣ такъ потрясе головою, якъ бы лишь розумѣвся до тоѣ бесѣды. И посягне до баговляної тайстры и скоро вытягне библію. И толкує то изъ Откровенія Іоанна, то изъ пророковъ, то изъ Евангелій... Что еге поповъ не треба... земскѣ князѣ... папа антихристъ и пр. подобнѣ мудrosti.

— Горазд, гораздъ. Се все красно. Але перебачте ми за слово, церковь не начинають одъ вежи будовати, а копицю не начинають одъ вершка. Та если хотите дачто доказоватися, держѣмся порядка якогось.

— Ты безбожнику! Йой, Боже, о Господи, — зачне йойкати одна схизматицка бабка. — Не соромишся! Иди, иди, изъ меже людей. Хоть не приводи христіянъ до грѣха... Суботы му треба... еге!

— Мовчѣть бабко, — прошу женщину — заразъ мы дойдеме сему дѣлу до конця. — И виджу, что схизматики, все въ большомъ числѣ собираються слухати, ба что буде? Значить, батюхи не годнѣ были суботарямъ одновѣди дати.

1926. рокъ.

„БЛАГОВѢСТИКЪ“

Сторона 183.

— Та насампередъ смотрѣмъ то, въ чомъ есьме еднѣ а такъ въ чомъ розходимеся! Добре?

— Най буде и такъ, — каже суботарь. — Но бабка еще все не спокойна. Коли я напоминаю суботаря:

— Але пакъ говорѣть все къ вопросу а не такъ, якъ звики казати, что: „попъ у звоны, а чортъ у клепало“, — бабка загойкае:

— Проклятый чорте, что тобѣ до звоновъ?

— Чекайте бабко! А вы Василю говорѣть: Ци признаете одного Бога и св. Писаніе нового и старого завѣта?

— Признаю!

— Тогда досѣ въ одномъ млинѣ мелеме! Но идѣмъ лишь дале: Ци принимаете окремъ св. Письма и св. Преданіе?

— Ого! Того уже нѣтъ. Ану читайте въ Откровенію св. Іоанна... и шапку уже бере изъ головы, чтобы ми прочитавъ, якое заклятя на того, кто смѣе додати, або взяти изъ Письма.

— Но чулисъте люде! — Каже, что св. Преданія суботарямъ не треба. Отъ изъ симъ уже и ъмленъ нашъ Василь!

— Почему? — звѣдує удивляючися мой суботарь. — Якъ Ви ъмили мене? Мы лишь Письмо святе признаеме.

— Сейчасъ увидите. Лишь еще оденъ вопросъ: Ци принимаете вы св. Тайну крещенія и якимъ обрядомъ выслугуете сію Тайну?

— Ци буквально Вамъ сказать? — звѣдае.

— Вшитко одно. Лишь говорѣть.

— Та у нась, кто креститися хоче, той довженъ стати въ рѣку, въ воду до пояса. Пресвітеръ скаже надъ нимъ слова: „Азъ крещаю тебе (имя) во имя Отца и Сына и святаго Духа Аминь“. — И на слово аминь, горѣлицъ трутить крещаемого въ воду.

— Но зводки знаете, что сіе такъ треба робити?

— Изъ св. Писанія!

— Гораздъ! Но се не доста лишь казати. Докажѣть въ которой книзѣ св. Писаніе есть сіе!

— Ци буквально хотите? Гитається изъ нову суботарь.

— Такъ! Совсѣмъ дословно мусите найти. Бо если нѣтъ, тогды Вы не маєте іправды. Мусите доказати, что въ Письмѣ дословно есть что: 1) до пояса треба стояти въ водѣ. 2) что пресвітеръ має говорити тѣ слова, котрѣ 'сьте сказали и 3) что коли скаже „аминь“, треба крещаемого понурити.

Начне глядати. Но скоро поправляє слова свої:

— Но та ис мусай аккуратъ до пояса, доста и до колѣна стояти въ водѣ.

— Ага, уже токмится — помагаютъ уніятамъ гойкати схизматики. — Се не знає дале.

— Другій вопросъ: где есть то, что пресвитеръ мае говорити тѣ слова?!

Суботарь послѣ довгого гляданя указує мѣсто, гдѣ о руко положенїю есть слово въ Дѣяніяхъ св. апостоловъ.

— За крещеня говори — чути голосъ народа.

Суботарь видить, что засилка уже тѣсно идѣ шеъ приставає, радъ бы въ другій бокъ звертати бесѣду:

— Та ци Вы не кажете „аминь“? Что то слово „аминь“?

Но не выпускаю 'го. Веду до третього вопроса: Ци треба понурити?

Всѣ за мною желають:

— Василю! Искай где есть понурити.

На чолѣ Василя уже скальки течуть. Такъ мотає библіею, что мало еї не рознесе. Но дармо! Не находить... Народъ мовчить...

А старый отецъ суботаря, честный дѣдикъ сидить на порозѣ у воротахъ коло церкви. Позерає на своего заблудшого сына. Коли наибoльша тишина, зголосится старенький и каже до сына:

— Василю, лишися ты того, бо видавъ забыли то, что искаешь записати, коли библію чинили.

Ха..., ха..., ха..., засмѣялися всѣ рясно.

— Видите Василю?! Однакъ скажѣть, та од кого знасте, что такимъ образомъ треба крестити?

— Одъ пресвитера!

— А пресвитеръ?

— Одъ своихъ предковъ. Тоты передали молодшимъ. Мы маеме книги. Въ тыхъ стоить, — говорить суботарь.

— Вотъ — заключаю зъ нимъ бесѣду. — Словомъ и у Васъ есть преданіе. Та за сіе ваше молоденькое и ошибочное преданіе прочто лишаете Преданіе св. каѳ. Церкви, которая разъ 2000 лѣтъ учитъ насъ?!

* * *

Другій день суботарь тымъ хвалився, что онъ мене побѣдивъ!

Крѣпковѣрій.

Въ каждомъ христіянскомъ домѣ мае читатися „Благовѣстникъ“. Онъ не только оброняє и укрѣпляє вѣру, но одновременно ширить христіянскій духъ и культуру.

Мѣсячное намѣреніе на децемберъ.

„Чтобы державы узнали и держалися закону Божого и подчинилися власти Іисуса Христа“.

Никто не е такъ великій и могучій, якъ Господь Богъ. Онъ одъ вѣковъ. Онъ все сотворивъ и удержуе. Онъ паномъ неба и землѣ. Никто не е такій мудрый, якъ премудрый Господь Богъ. Онъ всѣмъ управляе, онъ рядить цѣлою вселенною. Его законы праведнѣ и святѣ. Кто ихъ подержить, счастливый буде туй на земли и во вѣки въ небѣ. Никто такъ людей не любить и такъ имъ щиро добра не желае, якъ Божое Сердце. Богъ есть нашимъ Отцемъ, цѣлымъ своимъ естествомъ хоче, чтобы намъ было добрѣ, чтобы мы чулися счастливѣ. Изъ безмежної любви до насъ пославъ намъ Единородного Сына своего, чтобы черезъ него освободити насъ одъ клятвы грѣховної и отворити намъ небесное царство.

Господь Іисусъ е нашимъ паномъ и царемъ. Въ его рукахъ судьба цѣлого свѣта: каждого чоловѣка зъ окрема, всѣхъ народовъ и державъ. „Ко ми ѿ предапа сѧтъ отцемъ моимъ“. (Маѳ. 11.) „Дадесл ми ксѧка класг на небесий на землй“. (Маѳ. 28). Онъ прійшовъ, чтобы мы мали животъ и то въ обильности его мали. (Іо. 10., 10.) У кого жажда красы, добра, счаствя, культуры, святости спасенія, най приходить до Іисуса и пье, каже Господь. (Іо. 7., 37). Онъ якъ добрый пастырь, душу свою кладе за добро и спає людей. (Іо. 10., 11). Онъ безмѣрно любить людей, Онъ бо по правдѣ „человѣколюбецъ“, якъ никто другій. Безъ Іисуса не можеме нѣчого, бeszъ Іисуса не можеме Богу угодити и осягнути спасенія. (Іо. 15., 6.).

Всѣ люде, якъ разумнѣ сотворѣня довжнѣ узнати Господа Бога и его законъ, всѣ до одного довжнѣ пристати до Іисуса Христа и ему подчинитися. Въ знаню бо Господа Бога и Іисуса Христа стоить по словамъ Іисуса Христа вѣчный животъ. (Іо. 17., 3). Бога знали и е о любити, се первое и найважное дѣло чоловѣка. (Мар. 12). Бога боятися и его заповѣди подержати отсе цѣлый чоловѣкъ, отсе правдива праведность, отсе необлудна культура, отсе певный и безпечный добробытъ.

На жаль, что мы видиме на землѣ? Дивное диво! Люди всѣмъ интересуються, на вѣсю мають часъ, на земскѣ дѣла не щадять себе, а на Бога, свого найлѣпшого Добродѣя и Отца, на Господа Іисуса, свого пастыря и пріятеля предоброго, забываютъ, для свого Сотворителя и Спасителя скупѣ, не хотять узнати надъ собою правъ Божихъ, не подчиняютися заповѣдямъ Христа Господа. Не лишь что не пристаютъ до Христа Царя, але одрекаються его, навѣть стають до явної борьбы зъ усѣмъ тимъ, что святое, что Божое. „Ко сколѣ прійде и ской єгò не прїйша“. (Іо. 1, 11). Не только не прійняли, але еще и на

крестъ прибили. „Бозмї, взмї, распнї єгò!“ Гойкали у велику пятницю. „Варраву пусти, а Ісуса на крестъ!“ Не хочеме Ісуса царемъ! Най панує надъ нами поганинъ цѣсарь! На завершеніе всего повѣсили Ісуса, который е „пѣть, Істина и живітъ“. (Іо. 14., 6), на шибеницю, збытого, усмѣянаго, окровавленного, опльуваного.

Подѣль великоѣ пятницѣ повторяются безнастанно. Сѣ, которыхъ Господь любить, которымъ хоче дати правдиву культуру и гараздъ, и то Божій гараздъ, одрекаются Ісуса, его усмѣваютъ, его осуждаютъ, на него ворогують, ему одказуютъ право бываня на земли, его переслѣдуютъ немилосердно и проганяютъ. Для Христовоѣ науки не е мѣста на земли, бо она для людей за низька, проста. Христовѣ заповѣди треба скасовати, бо они перестарѣлѣ, не отвѣчаютъ потребамъ новочасного свѣта! „Вонъ зъ Ісусомъ! Не треба намъ его Царства! Не хочеме его науки и ласки!“ Сесѣ и подобнѣ голосы гомонять черезъ всѣ вѣки христіянства.

Вонъ зъ Христомъ! Гойкае и нынѣ заѣлый комунистъ. Вонъ зъ Христовою наукою! подспѣвує соціалистъ. Вонъ зъ Христовою Церквою! потягає за ними вольнодумецъ. Не буду служити Христу! Каже пяница, чужоложникъ и блудница, злодѣй и клеветница. Вонъ зъ Христомъ изъ школы, вонъ зъ Христомъ изъ войска, вонъ зъ Христомъ изъ парламента, вонъ зъ Христомъ изъ политики. Не треба Церкви, вочъ зъ попами, на что сповѣдатися? отсе кличъ, котрѣ изъ усѣхъ боковъ возносяться изъ устъ безвѣрковъ и николи не вгасаютъ.

И что дѣлаетя? Суть послы, суть министры, суть парламенты, суть грѹшъ, е поліція, е войско, е нѣбыто всьо, але гаразду не е. Державы slabнутъ, летять у пропасть, росте ненависть, негодованіе, нужда, злоба, грѣхъ, бо не е Христа, не е его науки, не е его ласки и благословенія. Кто бо не буде на Христѣ Іисусѣ и его науцѣ, сей всуе трудится, сей буде на пѣску, сего будова розлетиться скорше чимъ сего подѣется. „Ніезж мене не можете творитиническѡе“. (Іо. 15., 6). „Горе тобѣ Хоразине, горе тобѣ Витсаидо!“ (Маѳ. 11., 21). Отсе страшное горе висить и нынѣ надъ державами и народами. „Кто не зъ мною, сей противъ мене; и кто не збирає зъ мною, сей розмѣтуе“, (Маѳ. 12., 30.) справджуєся на нашихъ очахъ и се другое страшное слово: „Кто упаде на сей кам'нь (на Господа Іисуса), розобьется: а на кого онъ упаде, роздавить его“. (Маѳ. 21.. 44). И буде оно такъ довго, пока люди не покаяться, пока не узнаютъ Іисуса Христа своимъ паномъ, пока не згннутъ чиглитися зъ его закономъ и его придержватися! „И оуразвалъ тї тї Істину, и Істину свѣбодити вї“. (Іо. 8., 32). Айно, лишь Христова истина дастъ намъ правдиву, повну свободу!

1926. рокъ.

„БЛАГОВѢСТИКЪ“

Сторона 187.

Боже дай, чтобы сей повный звротъ до Христа и его Церкви наступивъ чимъ скорше! Най Господь Іисусъ и его святый законъ запануе въ каждомъ зъ окрема, въ родахъ, громадахъ, народахъ, державахъ, и по всемъ свѣтѣ. „Да прѣдѣтъ царствїе твоє!“ Молїмся о се горячо и вытревало! [C].

|| ДОПІЯСІ ||

Любимый пане редакторе!

Схизматики у насъ держали посвященіе креста. Въ Сухой не суть лише три фамиліи схизматицкѣ, зато не было имъ дозволено въ селѣ поставить крестъ, лише на конци села. На посвященю державъ проповѣдь Лисицькій батюхъ Бабинець. Доста жаль, что Лисичане далися звести изъ путя такому неукому батюхови. Я не учився богословія, але проповѣдь май лише бы'мъ проповѣвъ, якъ онъ, нагадуючися и домакъ не до шору. Потомъ по службѣ державъ проповѣдь Кушницькій монахъ, передъ тымъ въ Егреші бывъ церковникомъ. Тотъ таку проповѣдь державъ, что лише на римского отця кричавъ, называвъ его идоломъ римскимъ. Доста шкода, что онъ называе римскихъ отцовъ идолами, коли самъ схизматики 11-тохъ изъ римскихъ отцовъ святыми держать и въ своихъ молитвословахъ святъ днѣ имъ означаютъ. На конци заклинавъ монашескимъ заклятіемъ того, кто бы смѣвъ нарушити той крестъ. Казавъ что въ Буштинѣ, якъсъ битанги порушали православныи крестъ, и наразъ до нихъ чортъ имився. Звѣдуся одъ васъ батюшки, чому то, если дакотрый гр. каѳоликъ догулиться до вашего креста заразъ его чортъ морить! А вы сколько нашихъ крестовъ убалилиste и васъ зато не моривъ чортъ? Дивна то рѣчъ!

Кажу вамъ не возношуйтесь wysoko, и не хвалѣтесь передъ Богомъ, бо ваши хвалики лишь подакому лкбляться, але думе многимъ нѣтъ. Бо тѣ уже знаютъ, что у васъ лише ротъ православный, а сердце кам'яное и доброго въ собѣ не має ничего.

Сухобронька, 9. XI. 1926.

Юра Шлика.

Дня 15-го VII/26., умеръ нашъ братъ въ Христѣ Николай Шемота въ Раховѣ. Онъ бывъ помочникомъ въ церкви до спѣваня и благій человѣкъ. Но послѣ войны чогось жъ духовникомъ не погодився и выступивъ изъ своей Церкви и ходивъ

на сторону О.-Раховску. Потомъ, якъ ся найшли изводителъ вѣры Христовоѣ и онъ до нихъ пошовъ, у нихъ спѣвавъ въ церкви и дуже нарѣкавъ на вѣру гр. каѳ. и на духовниковъ. Дня 25-го VI/26. захворѣвъ смертельно, а передъ смертю помирився зъ Богомъ. У своего духовника высповѣдався и принялъ Елеопомазаніе и препросивъ духовника.

Дня 17-го VII/26. похоронили тѣло перѣ смертю показавшогося, духовники: о. П. Демняновичъ и о. С. Даніеловичъ.

Ізъ сего най беруть примѣръ и другъ отступники одъ Христовоѣ вѣры и най навернутся такъ, якъ нашъ помершій братъ Николай Шемота (Лемакъ), чтобы не постигла ихъ смерть въ блудѣ.

Покайтесь, доки не поздно!

Ник. Мисикъ.

Нашъ схиэматики говорять, что слово каѳоликъ е цыганське фарагоньске. А одень старый 70 рочний схиэматикъ такъ разсуждає, что слово каѳоликъ если переведеме на руській языкъ, то лишь только значить якъ кацапъ.

Сесь дѣдо называе насъ каѳоликовъ кацапами и наибольшими ворогами. Сесь сгарики говорить, что мы каѳолики приняли Христянство такъ, якъ и они, но мы послухали на рабовниковъ Римськихъ и они нами управляють. Онъ говорить, что Римъ состоять ізъ самыхъ рабовниковъ и если бы ся тамъ показавъ одень ізъ православныхъ, то они бы его убили.

Если вы старику сякъ разсуждаете, тогда у вашой бесѣдѣ не е правды. Якъ бы я начавъ вычисляти вашихъ героевъ ізъ Коташньова, або ізъ Изы, то у семъ Благовѣстнику не было бы мѣста усѣхъ изчислити. У насъ такихъ не е. Бо Христосъ никого зъ коломъ не примушовавъ на свою nauку, только добрымъ словомъ; а вашъ герой Изькѣ и Копашньевскѣ зъ вашими батюхами лишь зъ колами и камнiami обороняють свою вѣру. У насъ того не е. Нашъ отцы місіонарѣ продовжаютъ Христову nauку и то добрымъ словомъ.

Хустъ, 25. X. 1926.

Іванъ Бигунъ.

Дня 26-го Августа въ Хустѣ держали свое собраніе батюшки Подкарпатскої Руси. Цѣль собранія была якъ то пише москофильска-шизматицка „Русская Земля“:

Соединеніе членовъ православной церкви на Подкарпатской Руси во единую общую организацію, не зависимо одъ юрисдикції.

Сербського патріарха юрисдикцію представлявъ архимандритъ Матфей, а юрисдикцію Константинопольського патріарха презентовавъ Г. Крижованскій. Рѣшено, что каждый зостане

1926. рокъ.

„БЛАГОВѢСТИКЪ“

Сторона 189.

подъ тою юрисдикцією, подъ котрою до теперъ стоявъ доки патріархи пороуміються и согласяся, кто має мати юрисдикцію надъ Подкарпатскими шизматиками

Имя епархії данно такое: Православна Греко-Восточна Карпатурска Мукачевска Епархія.

Предсѣдателемъ правленя выбраний архимандритъ Боголѣпъ. Та не патріарха, та не архієпископъ и ни епископъ! Шкода, что не выбрали Гагатка або не запросили изъ Америки одного барана на сіе достоинство.

Такъ пише Амерїцка Газета Просвѣта зъ дня 14. X. 1926. про собраніе батюховъ.

Правду маєте, бахтеры, пастухы, лѣсорубачъ, бокорашъ и т. д. что бы вы соединялися коли и вашъ патріархи не мають соединенія.

Видите несчастнѣ ѹзъ чистого Христового путя зведенѣ одступники куды васъ повели вашъ зводителъ, что еще и тѣ самѣ патріархи, которыхъ вы держите за правдивыхъ Христовыхъ наслѣдниковъ, не знаютъ который е правдивый пастырь вашъ! Еще и они лишь радитися будуть который правдивый. И оденъ нѣть! На свѣтѣ дуже много христіянскихъ вѣръ е и всѣ называются православными айбо лишь една е, „Православна каѳоличеська“.

М. Гелебанъ.

НОВОСТИ

ПРОЩАЙ!

(На одходъ Преосвященного епископа апостольского администратора д-ра Діонізія Нярадія).

Прошай, Пресвяченный отче Діонізіе, прошай!

Прошай, великий епископ-міссіонарю, прошай!

Прошай, великий добродѣятелю нашого Подкарпатя;

Прошай, коли оставляєшъ твои душевнѣ дѣята.

Прійшовъ Ты до нась, межъ нась ізъ Божого провидѣння,
И самотакъ оставилъ насъ изъ Божого рѣшенія.

Якъ прійшовъ, такъ идешъ одъ насъ душевною радостію,
Бо у Тебе радость: все про Церковь тѣломъ и душою.

Окремъ того озаряє Тя ще добродѣтель друга:

Къ руському народу въ сердцѣ твоемъ любовь идеальна.

Отъ: двоє источники твоїй міссійной працѣ межъ нами,

Працѣ, якоъ съмена розсъянѣ межъ Русинами.

Ты лишь добре хотѣвъ, Ты лишь добрѣ съявъ между нами:
Ширивъ Ты побожность, будивъ свѣдомость подъ Карпагами.
Дачто вже выросло, но много ще есть подъ бороздою,
Что дождя чекае; разъ посходигъ свягою весною.

Но Ты идешь одь нась, — Богъ инде зове! — Миссіонарю.
Будь спокоенъ: наслѣдникъ Павель достоинъ! — Архіерею!
Но ты оставиши у нась, пряшовчанахъ, цѣлое серце;
Въ памяткахъ оно буде мати все благодарне мѣсце!

Нагороду за миссію — труды Христосъ Богъ заплатить.
Народъ нашъ бѣдненький: Тебѣ лишь душою благодарить
И просить для Тебе однимъ сердцемъ одь Господа Бога:
Миръ, здравіе и долгоденствіе на многая лѣта.

Прощай! Прощай! Наши слабости забудь та щиро прощай!
И спомяни въ молитвахъ нашъ народъ, нашъ милы і руський край!
Забуць тяжкости та труды у нась! прости за клопоты
И сохрани лишь радость-потѣху совѣтної роботы.

Напоминаешь нась, вѣрныхъ: „любитесь между собою!“
А мы одвѣчаємъ: полюбили Тя, Господь зъ Тобок!
Молись за нась! И коли Тобѣ миссіи то дозволять!
И на дальше най лучи твоей любви до нась заходять!

Прощай! Най Господь Богъ провадить по назначеныхъ путяхъ!
Мы Тя все сохранимъ, Архіерею, въ памяткахъ-душахъ!
Прощай! Неси одь нась ѿкуеть тобѣ щироѣ благодарности,
Котрой Ваше Преосвященство будеме споминати!

Пряшовъ, XI. 1926.

Торосинъ.

— Пойдінъ Анна. Многъ не знаютъ имени сеѣ въ Бозѣ упокіозшоїся дѣвы изъ Зарѣчова. Жила она въ строгомъ самоодреченю въ постахъ и молитвахъ напоминаючи каждого до строгого поддержаня христіянскихъ обовязковъ. Вже въ еї житю многъ приходили до неї въ всякихъ потребахъ и приписали ей подзвычайну способность познання буїучности. Умерла она передъ 36 роками, маючи 76 лѣть. Але память еї побожного житя не щезла, и люде по єї смерти богато говорили про ю. Збудовали для неї красну кап-

лицю (мавзолеумъ) и зъ дозволенемъ Преосв. епископа дня 20-го новембра выняли еї тѣлесиѣ остатки изъ гроба и торжественно поховали въ каплицю.

— Въ Дравцяхъ посвятили 21-го септембра престолъ для найсв. Сердця Іисуса. Посвященіе кончивъ именованый епископъ Пряшевскій Павло Гайдичъ Василіянинъ, св. службу кончивъ Павель Медвецкій а св. проповѣдь державъ о. Стеф. Пайкошій. Хвала Богу, что уже росте и меже Русинами почитаніе св. Сердця Іисусового.

1926. рок.

„БЛАГОВѢСТИКЪ“

Сторона 191.

— Якъ думають Турки о свѣтскихъ школахъ. Недавно попросило 50 мужей зъ первихъ турецкихъ фамилій у Тунису авдіенцію у архієпископа католицкого Ламетра. При сей авдіенції сказали тѣ люде споможи другихъ рѣчей и слѣдуюче: „Ваші державнѣ французскѣ школы не можуть дати нашимъ дѣтямъ выхованье моральне... Тѣ школы говорять лишь о правахъ чоловѣка, змучують розумъ нашихъ дѣтей и розвалюють одностольность нашихъ фамилій. Для того, выдай Ты розказъ своимъ священникамъ, най они отворятъ школы для нашихъ дѣтей, бо Ты нась добре познаваешъ и Ты хочешь намъ всѣмъ то, что добре“. — Коли архієпископъ отвѣтивъ: „Добре, але я не можу вашихъ дѣтей никако выховати, якъ по католицкомъ моралу“, отвѣтили на се настоятель муслиманскихъ фамилій: „Для нась то добре, бо мы знаєме, что нашѣ дѣти у вашихъ будуть учитися лишь то, что добре“. Такъ говорять у Африцѣ Муслиманы. А сколько есть у нась такъ званихъ мудрыхъ людей, котрѣ не видять то, что видять Муслиманы у Африцѣ. Люде, не пускайте свои церковнѣ школы до рукъ чужихъ, бо загинете и вы и ваши фамилії!

— Упокоилася. Дня 19 го окт. умерла супруга духовника

о. Е. Ференчика въ Гукливомъ. Покойна была примѣрною матерію своихъ 4 дѣтей. Цѣлое село до глубины сердца тронуто выпровадило труну въ кладовище въ супродѣ четырохъ священниковъ.

— Масоны суть найбільшими ворогами св. Церкви Христової и всего, что Божое. У ихъ рукахъ керма модерного поганства и безвѣрія, якое розпространяється по всьому свѣту. Они крѣпко зорганизованы и хотяй помежи собою не во всемъ годятся, то всѣхъ ихъ соединяє ненависть до Христової Церкви. А е того зѣлечка, е на свѣтѣ. Великихъ масонскихъ ложъ е ажъ 119. Подъ ихъ проводомъ стоить ажъ 3,861,444 масоновъ въ 28,065 ложахъ. На повночну Америку припадає 17,008 ложъ, изъ 3,091,100 членами. Просьмъ Господа Іисуса, Царя всесвѣта, чтобы помѣшавъ безбожнѣ, грѣшињ замѣры масоновъ и захоронювавъ вѣрныхъ своихъ передъ ихъ погубнымъ впливомъ!

— Новый гр. каѳ. епископъ въ Болгаріи. Папа Пій XI. выименовавъ для булгарскихъ гр. каѳоликовъ Стефана Куртена епископомъ. Въ Булгарії въ дни на день росте думка соединенія. Клерики булгарскѣ и въ части выховуються въ Оломоуцѣ. Пишуть газеты, что 80 родинъ същеничихъ готовы перейти на уніо.

Короткѣ вѣсти. Въ Чикагогѣ заразъ по Евхаристичномъ конгресѣ напернулося на каѳ. вѣру 100 протестантівъ. — Дня 28 го окт. посвятивъ Папа Римскій 6 китайскихъ епископовъ. — Въ Россіи живоцерковники рѣшили заперти всѣ монастырѣ, на основѣ того, что они суть уже „перестарѣлыми институціями“. Якъ глубоко упало тамъ уже „православіє“. — Славна

списателька у Норвегії Сигридь Ундсегъ бывша протестантка перейшла на католическу вѣру. Переходячи протестантка таъ сказала: я переходжу на католическу вѣру зъ поганства, бо лутеранство и поганство то саме. — У Белгії въ короткомъ часѣ число католицкихъ женскихъ роботницкихъ организацій поросло одъ 232 на 356, а число членовъ одъ 50.000, на 72.320. Для того не дивно, что тамъ католики на владѣ и не дають собѣ заповѣдти одъ безбожныхъ жидовскихъ и соціалистичныхъ депутатовъ. А у насъ?

Возваніе.

Дня 26 го децембра великое христіянское собраніе буде въ Ужгородѣ. Говорити будуть вожды христіянства Подк. Руси о бѣдномъ положенію народа и о оборонѣ вѣры. Просиме изъ каждого села заслати одного або двохъ делегатовъ, котрѣ одъ отца духовного мають просити легитимацію.

День собранія буде въ недѣлю, по св. службѣ Божой въ 11-ой годинѣ на Капитульской улицѣ ч. 10. Лишь тѣ люде будуть допущені котрѣ легитимацію мають, або ихъ лично знаєме. Надѣемсяся, что всѣ христіянскѣ села заступлені будуть на семъ собранію. Се буде першою манифестацією христіянского народа нашої краины. Сіе собраніе має розголосити требованія нашего руського христіянского народа такъ передъ правительствомъ, якъ въ всѣхъ селахъ Подк. Руси.

Переписка редакції.

Ник. Федакъ, Fiaš. Досталисме вашу красну статю противъ схизматиковъ. Говорить она любовію до нашої миловѣры и болемъ за ту руину, что причинили безсовѣстнѣ агитаторы схизмы. Але статя ваша дуже довга и на жаль не маєме мѣста помѣстити єї. Скоротѣть на 2 стороны и выпечатаєме.

К. А. Мукачево. Каждый читатель має заплатити за новинку. Мы не маєме богатыхъ людей, котрѣ бы 40.00 Кч даровали на святу цѣль обороны вѣры. Наша новинка жіе изъ геллеровъ бѣдныхъ, але свѣдомыхъ руськихъ христіянъ.

И. Бигунъ. Вытаеме тебе въ рядѣ нашихъ сповроботниковъ. Коротко и сильно пишешъ.

Росоха. Берегово. Въ найближшомъ числѣ, бо уже мѣста не маєме.

М. Шафаръ. Вел. Лучки. Вы за три роки досталисте и читалисте нашу газету. Чому сте не вернули, если не потребуете. Довгъ маєте заплатити. Желаеме вамъ всего доброго.

Выдає: Монастырь О.О. Василіянъ
въ Ужгородѣ.

Отвѣчательный редакторъ:
Емиліянъ Бокшай.

Книгопечатня О.О. Василіянъ въ Ужгородѣ. Раковція ул. (Монастырь).

Заложуйте свои вкладки до Централи або до філій

ПОДКАРПАТСКОГО РУСЬКОГО БАНКА

Стан вкладок: Кч. 30,000.000. :: Резерви: Кч. 610.000.

Філії: Мукачево, Хуст, Пряшев.

В всяких финансовых и господарских дѣлах доставить Вам
скору, точну и бесплатну пораду

ПОДКАРПАТСКІЙ БАНК В УЖГОРОДЪ.

Своими заощадженными гелерами при доброму опроцентованю
капитала подпирайте свой народный

ПОДКАРПАТСКІЙ БАНК В УЖГОРОДЪ

Свой до свого! Истинно народна, руська и славянска институція
ПОДКАРПАТСКІЙ БАНК В УЖГОРОДЪ

Пересилки доляров до Америки з дозволом Банковного Уряду
выконує

ПОДКАРПАТСКІЙ БАНК В УЖГОРОДЪ

Переказы до Галичини, Польщъ и до других держав Европы
и Америки выконує найвыгоднѣйше

ПОДКАРПАТСКІЙ БАНК В УЖГОРОДЪ

Америцкѣ десеквестраціѣ, асекураціѣ и компензаціѣ за померших
в Америцѣ переводить

ПОДКАРПАТСКІЙ БАНК В УЖГОРОДЪ

За вкладки (льокаціѣ) ощадностей и капитала платить наш
ПОДКАРПАТСКІЙ БАНК В УЖГОРОДЪ

5%—6%.

Подорожну канцелярію, продаж желѣзодорожных карточок на
цѣлу територію Чсл. Республики и до всѣх сторон свѣта має

ПОДКАРПАТСКІЙ БАНК В УЖГОРОДЪ

ПОДКАРПАТСКІЙ РУСЬКІЙ БАНК

В УЖГОРОДЪ, ПЛОЩА МАСАРИКА Ч. 11.

Всѣхъ предплатниковъ Благовѣстника просиме дуже по-
-- вѣдомляти насъ, про змѣну свого адрессу. --

ПРИГАДКА. Въ числѣ Благовѣстника за новемберъ
мы написали каждому нашему предплатнику, сколько
мае у насъ довгу. Дуже многъ честнѣ предплатники уже
прислали належитостъ. Але еще не всѣ. Тѣ, котрѣ еще
не прислали, дуже просиме, чтобы не отягалися, а спов-
нили свой обвязокъ, бо намъ такожъ прикро всегда упо-
минатися о тѣ пару коронъ.

Ци уже маєте

КАЛЕНДАРЬ „БЛАГОВѢСТНИКА“?

Якъ не маєте, спѣштесь зъ закупномъ, бо може забракнути.
Тотъ, что уже купили и перечитали, дуже вдоволенъ и
дякують намъ.

**Календарь „Благовѣстника“ стоить лишь 5 Кч.
Кто замовить 10 кусовъ, одержить 1 кусъ задармо!**

Спѣштесь!

Видавництво Чина Св. Василія Великого въ Ужгородѣ
улица Раковци 52.

видало слѣдуючу новѣ книжки:

1. *O. P. Швилинській*: „Популярні Катехитичні Проповіди“
для католицького народу з нѣмецького переклав о. Др. Я. Левицький; стор. 365, форм. 12⁰. — Цѣна 20.— без пересилки.

2. „Najsvjačišoje Serdce Spasiteľa“ korotka nauka, molitvy,
moleben i pismi dla členov najsvoj. Serdca Isusa Christa, latinskimi
bukvami. Stor. 64, form. 24⁰. — Cina Kč 1·50.

Достати можна:

Книгопечатня 00. Василіянъ, Ужгородъ, Раковци ул. 52.